

說部叢書

第二集
第八十五編

偵探小說

秘密室

上海商務印書館發行

分訂
六册

明 季 稗 史 初 編

定價
六角

此書原名明季稗

史彙編都凡十六

種共二十七卷專

紀載明季時事詳

悉靡遺且是書久

已膾炙人口

本館特取原書精

校加圈付諸鉛

印與他坊本大不

相同購閱諸君諒

必極意歡迎也

分訂
三册

明 季 稗 史 續 編

定價
四角

是書凡六種(一)明季遺聞

敘明末流寇擾亂思宗殉國以

及福唐桂諸王偏安事(二)明

季實錄專採弘光雜事及

燕京殉難從逆諸臣姓名考略

(三)蜀難敘略敘張獻忠陷

蜀及蜀中各郡被兵事(四)記

福王之立敘述南都擁立

孱主儉安及文武水火事(五)

東林事略(六)東林紀

事本末皆痛論黨禍始末

以上各種於明末遺聞軼事蒐

采無遺洵足補正史之缺

813.7
661
2(85)

室

密

秘

偵探小說
祕密室

目錄

- 第一節 約但博士屋中之暗殺案
- 第二節 油手之印
- 第三節 奇異之語聲
- 第四節 馬廐中之字跡
- 第五節 甘來以計遁
- 第六節 黑衣之女子
- 第七節 缺指之人
- 第八節 巴遮之報告
- 第九節 約但博士之隱事
- 第十節 暗殺案之結束

偵探
小說
秘密室

第一節 約但博士屋中之暗殺案

來克司福警察長韋爾頓與紐約名偵探尼楷脫及其夥吉稅脫自火車站共乘汽車飛馳而去。行次。韋爾頓謂尼曰。余今以相召之故語君。此間出奇案。余雖着手檢查。然絕無證據可得。殊難措手。是以招君來相助。尼曰。請述案情。若有可以爲力之處。必當極力相助。韋乃道其事曰。被戕者爲托乃何得而夫來克司福引繁公司經理人之子也。年約二十五。美丰致。惟不修邊幅。嗜酒好賭。今晨六時。約但博士家之僕人。發現其屍身於廚室中。死者腦壳已破裂。傷痕極闊。似被凶手以火杖所擊者。約但博士得消息後。卽來報余。余已偕從者略往勘視。以毫無頭緒。故招君來。尼曰。屋中人君已徧詰之否。曰然。均謂一無所知。且不知何得而夫何由入屋。余環視四周。見一馬繫廐後夾道中。諒爲何所乘者。此外余於廚室中

見一事。頗動人疑。尼曰。有何疑請詳述之。韋曰。余蒞場時。廚室門尙扃。鑰匙落地。上。若自鎖孔中墜下也者。比檢查屍身。見何手中尙握有同樣鑰匙一枚。余力關其指。方得之。尼曰。此事甚異。宜特別注意。顧此間近來有盜劫案發現否。韋曰。此殆未之前聞。然君以此見詢。余已測得君之意矣。君豈以爲何得而夫行竊耶。余意其人雖不謹。然必不至爲此犯法事。且余徧察約但博士之居。未見有賊人出入之痕。亦無行竊之跡。尼楷脫聞之。心中頗不然其言。蓋黠賊來去。必不肯留痕跡也。乃問曰。約但博士何人。曰。約但博士爲此間鉅富。性極詭異而驕傲。從不與他人相往來。是以人甚異之。尼曰。君何所知而云然。曰。彼來此後。卽興造新居。親自監臨。而工匠人等。均特自支加哥招來。以舊屋居之。工竣後。仍以舟載之返。曰。君知彼之目的何在。曰。此烏乎知。恐亦彼詭異之一端也。尼曰。余料其中必有他故。人未能知之耳。韋續曰。二十年前。其父被戕於老屋中。約但博士以是之故。心中殊不願久居。故新居落成後。彼卽將舊屋拆毀。尼曰。其父以何事被戕。曰。聞爲

庖人所鳩斃。事後方知此傭有瘋病。距主人死後。不久亦死於瘋人院中。尼問曰。君知此事。與今晨發現之案。能有關係否。曰否。余殊未見有絲毫之關係。余料約但博士之造新居。必以身居舊屋時。憶其父之慘狀。心有所不忍耳。新屋工竣後。余探知有二少年。時暗偵屋之四週。嗣悉此二人爲約但博士出重賞所僱。專令其探此間人對於博士之議論者。曰。君知彼亟亟於此間輿論之故否。韋爾頓笑答曰。不知。惟聞其人精於理化磁電等學。終日不出書室。或謂其從事於秘密之發明。曰。或然。韋又曰。余素知其屋中下層有秘密試驗室。則秘密發明一說。不爲無因。此外實無可疑之事。尼問曰。彼已婚耶。韋曰。已重婚矣。前妻於十餘年前逝世。惟遺一女。名烏拉。年已及笄。貌極豔麗。而性則剛愎。足當豔如桃李。冷若冰霜之評。後母與其年相若。亦美麗。聞二人頗不洽。曰。其後妻何人。韋問曰。君有所疑乎。尼答曰。欲略知其事而已。韋乃曰。約但博士之後妻。名納爾。惟納爾素充看護婦。三年前自紐約來操此業。其時約但博士適患傷寒重症。諸醫束手。乃僱之看

護。以其侍病得法。博士之病。恃以痊愈。博士感之。三月後。即娶爲後妻。曰。彼二人訂婚約。果出於真正之愛情耶。韋曰。世焉有無愛情而訂婚約者。曰。然則女郎之家世。有人知之否。曰。無確知者。尼曰。余意約但博士必知之。料其性情。必不肯娶向所不知之女郎。韋爾頓笑答曰。六十之老人。一見年輕美麗之女子而心醉。亦非異事。彼即有所知。則亦不肯告人矣。密昔司約但。人確豔麗絕倫。爲平常所罕見。曰。彼習於社會交際乎。曰。交際場中罕見其足跡。暇常家居。極守婦道。惟極愛烏克台之居屋耳。尼至是心有所觸。無心再聽。即止之曰。韋爾頓車至彼間雜貨鋪前請稍停。彼處有公用電話。余欲與余夥語數分鐘可乎。韋爾頓聞言甚異之。然亦不相阻。立止車。

尼楷脫聆韋之語。知此案極難措手。且心有所疑。乃以電話致其夥巴遮加文。囑往查納爾之家世。并令其至來克司福警察署報告。事畢。重登車。亦不以其故告韋。車仍前進。約里許。至路盡轉灣處。已望見約但博士之居屋。崇樓傑閣。金碧輝

煌。屋之正面有門樓。兩旁有深廊。屋址甚高。離街約五十碼。前有草地。徧植花木。有石路自大門至廊下。又自屋旁拆至後面廡前。尼在車中。一一默識。覺其處頗不荒蕪寂寞。以性情乖僻之約。但博士居此殊不相合。車抵屋前。韋爾頓指立廊下之人曰。渠卽約但博士之汽車司機人也。尼旁顧。見其人約中年。身高六尺餘。尖頷海口闊眉隆準。植立不微曲。狀甚英偉。聞汽車聲。返身注視尼等不已。尼默視其人。疑念頓起。覺是人之狀貌氣概。頗不似司機人。

第二節 油手之印

警察長韋爾頓及尼楷脫等。方自車躍下。約但博士已啓餐室之旁門出迎。尼見其瘦而多筋。髮甚稀。作花白色。尙未留鬚。眼小而深。目光銳利。顯係詭異多疑者。韋爾頓自階上急介紹尼等於博士。互行握手禮。博士色甚冷。峭言曰。警察長韋爾頓君。力勸余召君。余頗以韋君之不敢任此案爲異。君來亦甚佳。望君立能白此事。則幸甚。以余之理想。僅有一說。足以解釋此疑案。尼曰。余當極力爲之。請先

述君之所見。博士曰。尼楷脫君。其事甚明顯。屋中人於事前一無所知。則案必劫賊所爲矣。曰。君意何得而夫欲行劫耶。曰。何得而夫近來名譽甚不佳。彼或卽賊黨之一也。曰。然則何以解釋其被戕事。博士答曰。賊黨入室後。或誤以爲屋中人而戕之。事後方知之。故未及畢事畏罪而逃耳。此外余殊未知有他故。尼聞言點首者再答曰。此說頗切案情。博士曰。君言此余甚慰。曰。慰耶。曰。君豈不知余驚惶無似而望案之速破耶。曰。然乎。余知之矣。余當先往檢查。再定進行之策。約但博士聞言。返身引導。尼行時。回顧司機人見仍立廊下。未稍動。若靜聽各人之言者。尼等入屋。經前廳。遇二婦人。韋爾頓指示尼謂其一爲約但博士之夫人。其一卽繼女烏拉也。尼視二人貌均豔麗。同出一家。殊爲難得。約但夫人肌膚瑩白。兩頰現桃花色。甚可愛。髮如金絲。兩眼現蔚藍色。一望而知其爲性情剛愎之人。烏拉膚色稍黯。眼亦黑色。狀如西班牙之貴族女。深情流露。見者神迷。二人年相若。身量亦無高下。是時面容均失色。狀甚不寧。雖強自鎮定。然目光閃動。注視尼等不

已。尼辦案甚多。閱歷頗深。一見此狀。大有所感覺。約但夫婦及其女。於此案之真相。必有所知。然知彼等必有他故。不肯直道。故略不詰問。惟俟韋爾頓介紹後。微握手即前行。穿前廳而至廚室。將及門。見僕婦三人。共立弄次。均露驚惶色。且時時悚然竊昵。二偵探。尼不顧逕入廚室。二警察已守其中。一立階前。一坐室內案側。尼四顧見竈中。是日尙未舉火。返身問韋。方知約但博士特令僕人不得出入。以待偵探來勘視也。尼方欲偃身察死者。忽覺窗外石路上有一身體偉大之人影。現於眼簾。急仰視。則見司機人已貯立階前。尼注視之。亦不現懼色。乃問曰。少年爾何人。其人答曰。余即約但博士所僱之司機人名愛德華甘來。曰。適見立廊下者。非爾耶。曰。然也。余未知先生已見余。曰。何爲來此。甘來曰。來俟先生之命令。恐有事差遣。故至此相待。尼又問曰。何人所命者。甘來冷然答曰。屋主婦約但夫人所命。然余之來尙自有故。曰。何故耶。甘來曰。好奇耳。余欲知先生將從何著手也。尼晒曰。甘來君聽我一言。慎勿行太過。致嫌疑將集爾身。甘來亦微晒作不屑

狀。答曰。余坦然何懼人疑。先生僅能作此等語。則不如閉戶不出之爲愈也。尼自初見甘來之狀。心有所疑。故此時有意作此數語。然亦至是而止。不再續其詞。返身至屍次。見死者足套長筒靴。著黑色騎馬衣。內未襯馬甲。露腰間皮帶。衣袋中有褐色手套一雙。面上滿染血迹。至是已凝結。細檢其首。則額骨已破。尼自思其人死已久。凶手顯自面前下擊。故傷在額上。尼又見凶手所用之火杖。擲地席上。以用力太大。致已微曲。尼細檢死者衣袋中。惟零星小物。無足輕重者。乃向韋爾頓索何所握之鑰匙。試入鎖孔。果適吻合。惟室中既無爭鬪之痕跡。亦無從知凶手之形狀。其來蹤去跡。均茫然無所見。尼楷脫乃止。而謂韋爾頓曰。君請少待。余往一視屋之四週。行卽返。韋諾之。尼遂與去。仍返前廳。見僕人已離前立處。約但博士及其妻女亦已不見。四顧竟無人在。尼返顧問吉曰。爾見彼等何往。曰不知。惟見約但博士於數分鐘前離廚室。尼曰。甚佳。余可密察。不致爲人所見矣。曰。君於彼等。亦有疑耶。尼低聲答曰。余一蒞此間。彼卽亟亟以案情之解釋語余。中必

有故。余以彼目光銳利。而吐詞冷峭。知詢之無益。故亦不細問。且以司機者。在旁竊聽。是以僞若應之而已。曰。果爾則君於此案有所得否。尼曰。此事似爲女子所爲。殊非韋爾頓之所能料。若竟無外來之痕跡。則此著可以無疑。爾細往一察彼間窗戶。余則往視書室中。爾亦可至彼處覓余。吉楷脫急應而去。一一細視。殊無賊人掩入之蹤跡。乃至書室。見尼方踞牆角保險箱前。以顯微鏡驗箱門。吉乃作簡語報告曰。一無所得。尼曰。勿聲。試視此間有痕跡在。吉受鏡略視。低聲曰。鎖孔之側有劃痕。曰。然。吉又曰。君臨此曾以手按箱門否。曰。未也。吉曰。此處有油手印。余初以爲君汗手所按而致。曰。余亦見之。曰。然則必有以沾油之手。按此箱門者矣。手形似較大於約但博士者。尼曰。稍側爾身。再細視。使日光照其上。跡當愈顯。印爲左手所按。觀指印之大。可知其手必甚肥。試觀其中指已殘缺。吉呼曰。然。自此處觀之。更明顯矣。尼曰。試再視之所劃痕跡尙新。度其方向自鎖孔之下一按。始直向前廳一面去。此宜注意。曰。何故耶。尼答曰。余見此。卽能約略言賊人當

時之情狀。賊人必踞箱前。以一手按箱門。而一手持鑽。方在細視。若此時忽聞前廳有足音。則其勢若何。吉恍然曰。余悉其意矣。尼曰。賊人聞聲必亟起立。向前窺視。而手持之鑽。卽無意中劃箱門而留此跡矣。曰。或然。十不出八九。君言必有中。尼答曰。然此尙不足爲硬證。蓋此外未見有進出之痕跡。毯上無油跡。且無泥足印。事甚不可解。言訖注視地下。忽呼曰。此處尙有物在。乃僵身自箱前毯上。拾玳瑁帽針一枚。色如琥珀。尼細視之曰。此密昔司約但物也。吉辯曰。約但夫人。髮黑色。烏用此。爲此或好粧飾之僕婦所用者耳。尼笑曰。僕婦豈有用如此貴物者。試一視約但夫人頭上所插者。卽可證此事。或往其室一檢可耳。然亟宜知此針何時墜此者。吉曰。地毯新近似曾灑掃者。尼曰。針之墜於毯上。亦非異事。惟以適在此箱前。爲可異耳。曰。或昨晚啓箱時所墜者。尼答曰。余決此必另有人爲之。余等毋須多費時。爾可折至屋外。察四週。試觀有所得否。行時當隨地注意司機人之舉動。余則往內室一觀也。

第三節 奇異之語聲

尼楷脫離書室後。卽由前廳上樓。四週杳無人聲。惟陽光自窗照入。室中地板上光亮無常。各室之門。均大啓。惟一室獨扃。疑心陡起。亟趨前以首倚門而竊聽。冀約但博士等或卽在其中議論暗殺案事。而藉得要領。聽久久室中乃無聲。尼卽蹲身就鎖孔而窺。約略見室中景狀。自思曰。此爲內室。豈卽烏拉約但所居耶。尼卽植身微扣門。中無應者。輕推之。幸未鎖。遂掩步入室。見其中陳設極華麗。各物似晨起後已經整理然者。故毫無雜亂之狀。火爐架上置明信片數紙。上均書烏拉約但名。乃知爲其臥室無疑。尼四顧無異跡。頗失意。俄瞥見絨線披肩攤窗前椅背上。若特以曬晾者。以手撫之。果尙潮濕。頓憶昨夜之大霧。露滴如雨。喜曰。女郎昨夜必曾外出矣。不衣大衣。則其行必不遠。彼究何往。有何要事。致冒陰雨而出。此事亟宜證實之。乃啓牆次更衣室之門入視。見鞋數雙。置地板上。一一取視。果得其昨夜所著者。鞋有花邊。底猶潮濕未乾。中凹處黏橡樹葉一片。尼乃行至

窗前外。望四週花樹。見後場馬廐側。果有橡樹一株。異常高大。枝幹四伸。尼自忖曰。女郎必曾至彼處。否則何從黏此葉。何得而夫之馬。適亦繫其處。女郎豈前往赴約乎。彼二人。豈情人乎。若是則何得而夫有同樣之匙。俾得自由出入。亦自有由。然則何以竟被戕。而書室中保險箱上之痕跡。又何從來手印。似非何得而夫所留者。帽針亦非烏拉者。且此女亦非似助賊黨而謀其父之人。此數節均於事實不符。恐非另尋樞紐。不能明也。尼搖首不能決。仍以鞋返置原處。毫不露移動之痕跡。卽出室。鶴步向前面二室去。尼見其一爲待客之寢室。百葉窗及窗簾均下垂。知非常有人來居者。其一爲陳設華麗之臥室。四壁均油漆。色甚豔。其中最爲尼楷脫所注意者。爲粧臺上之盤。中有帽針數枚。式與尼所拾得無二。尼決爲約但夫人之室。乃悄然入。室中亦無人。心甚欣喜。以爲可乘此機一偵。乃極已所能。四面察視。見其鄰爲約但博士之室。心知夫婦必異室而居。諒無人在。擬先往一視。入其中。陳設較樸質。牆色亦略黯。壁之四週有複板。高約四尺。板上凸處。均

鑲料珠。狀甚奇異。室中除尋常木器臥榻外。有高大書櫥一架。植立牆角。其側有臥椅。旁有擱架。上置鉛筆數枝。扯簿一本。尼見此景。憶約但博士有乖僻之說。自語曰。博士夜讀。必甚遲。豈彼有失腫症耶。如果有之。則何所致之。有他故乎。豈彼有所懼乎。抑心有所恐。方致有乖張之性情乎。尼思至此。忽有所觸。急靜心細聽。聞有奇異之低語聲曰。事已無從爲力。余不願再言之。尼急返身四顧。然不見有人影。又望納爾之室。亦無所見。自語曰。噫。奇哉。余豈誤聽耶。尼不能自信。乃徧覓於隱處。若櫥後椅下窗外內室等。然竟杳然。詫異不止。殊不能解此怪事。徒呼怪哉。怪哉而已。徧視時聲已靜。俄又聞之曰。余不願再與爾言。爾已出言不承。然除爾手。豈有他人能殺之。余決不信。亦不能信。從此余亦不言矣。至此略頓。續曰。爾自留意。勿暴此隱足矣。卽目前爾亦太不慎。豈忘尼楷脫在此耶。彼之來甚可懼。此事隨時均可發現。噫。余不願再言矣。此非其地。亦非其時。速離余。去。去。去。語至此。聲又止。其怪異莫可名狀。爲生平所未聞。音甚微。若耳語。然亦不類。又非

似遠處所發之語聲。不能定其來處之方向。其聲正如室內空氣中驟然發出者。尼生平不信神怪。且不信順風耳之說。而鬼屋等異事。亦所不屑言。惟力主凡事必有其因之理。故是時聞此怪聲。決其必由近處傳來。乃急離室躍出。至夾弄。欲一視語聲中所揮去者爲誰。然四無人跡。各室中亦然。而烏拉約但之臥室門。亦仍堅閉如其離時。尼略不俄延。亦不扣門。逕自啓戶入。見烏拉約但已在室中。見尼入。色驟變。驚惶無似。惟極力自持作鎮靜態。憤怒曰。楷脫君。何爲入我私室。尼以不便明告其故。乃舉手略指窗櫺曰。余欲一察室中之窗戶。他處余已徧及矣。若此重案。殊不應有遺漏處也。女郎適與何人相語耶。烏拉怒視問曰。相語耶。曰。然。曰。君何時聞之。曰。余未入此室前。烏拉曰。余何曾與人語。尼曰。余若聞女郎之聲。故作此問。曰。君誤矣。君至時。余亦方入此室也。曰。然則何以未見女郎經夾弄。烏拉指旁門曰。此亦不奇。余自洋檯上由此門入。故君未見耳。是時烏拉色已復。昂然答所問。且微哂作不屑狀。尼確知彼謊言。然以尙未得有確證。故不與之辯。

且亦不能指實烏拉爲語者之一。惟知彼或卽被語聲斥出之人。聞言而返室焉。尼以尙欲探其言。乃視旁門。故作深信狀。答曰。請恕余。余必誤矣。聲或係樓下來者。烏拉再申其言曰。君必誤聽也。尼答曰。余亦云然。曰。至是君當自知其誤矣。尼聞言若毫不介意者。指窗言曰。此間窗戶亦無進出之痕跡。余之理想。以爲昨夜賊人入室時。何得而夫適見而欲擒之。故爲賊人所戕而棄屍身於廚室中也。尼之此說。殊非真情。故意憑空結構。髣髴小說家之開篇。庶可引起以下之詰問語。烏拉聞之有駭色。曰。此爲君之理想耶。曰。然。余之意見如是。何得而夫被戕於此屋。事甚詫異。曰。詫異二字。恐不足以盡之。尼猝問曰。昨夜密司何時見其人。烏拉聆此略驚疑。俄而色轉怒向曰。見何人。曰。何得而夫君耳。烏拉蹙額曰。君何以發此問。昨夜未見之。余與彼向不熟識。故從未見之。尼竊注意其顏色。言曰。然則余又誤矣。曰。君之意向究何在。曰。余以爲彼係女郎之友。而昨夜來此相訪也。烏拉曰。君全誤。此事殊無影響。余從未與何得而夫相過從。且余少女豈應於夜間與

人在外相語。曰。然則女郎昨晚在家晚餐耶。曰。然。尼曰。後乃未曾外出耶。烏拉急曰。否。八句鐘時余曾在屋外閒步。尼見其言時。目注椅背上之披肩。色略異。似已悉問此之意。故亟作此言。以掩飾之。尼曰。余憶昨晚之天氣於閒步殊不宜。曰。余欲呼吸空氣。故在廡後夾弄略閒行。曰。在八時前耶。曰。然。曰。女郎見何得而夫否。曰。未見。曰。然則見他人否。曰。未見一人。尼莊容曰。女郎於此案。實無可言。使余能略得光明耶。烏拉冷然答曰。然余實無所知。否則必告君。尼曰。甚善。余等不必再言矣。言訖鞠躬退出。女郎自其後怒目視不已。

第四節 馬廡中之字跡

尼楷脫心知烏拉所言均虛謊。甚動人疑。決其於此案之真相。必知之甚審。而故意不肯言。以袒護殺何得而夫之凶手。且知其餘諸人亦如是。而其中猶必有凶勇者。爲之主謀。是以諸人均有恃而無恐。極力隱真情。此數端已甚明顯。惟尼以時機未熟。證據未得。是以暫時隱忍不發。擬仍返廚下。見韋爾頓。行經前廳時。忽

聞書室中衣裳窸窣聲。雜以足音急遽似避人見者然。尼亟趨觀。則人已遁去。蓋書室有旁門。通廊下。可以自彼出也。尼大疑。卽細視保險箱。其上油手印已擦去。不留餘跡。尼自問曰。此何人所爲耶。豈卽烏拉所擦去耶。此又爲庇護賊人之一疑竇。若室中之語聲。爲烏拉所發。則此事亦卽彼所爲。以踐其勿暴此隱之言耳。否則或約但夫人所爲。余自拾帽針卽疑之。總之當時互語者。必二女子之一。且法與此案有關。而其一則以家人之故庇護之。然則此缺指大手之人與二女子。究不知其關係何在。尼貯立尋思。頗無以解釋之。而自與烏拉問答後。明知必不肯言。故亦不再詰問屋中之人。惟決計極力搜獲證據。以拆之。乃仍返廚室。見其中情形。一無更動。韋爾頓見之問曰。君意云何。尼答曰。余尙未有定見。君已報告驗屍員否。韋點首曰。二句鐘前。已報告矣。驗屍員方有所事於華德惟爾。余曾以電話語之矣。尼曰。屋中有電話耶。曰否。余所用係適間假之火車站者。曰。甚善。吉楷脫已何往耶。曰不知。立階下之警察聞之。答曰。彼在馬廐中。十分鐘前。余見司

機人甘來向廡去。吉楷脫緩步隨其後。尼狐疑呼曰。已十分鐘耶。曰確有矣。曰然則彼何必滯留許久。爾見彼出入於廡門否。曰未也。余駐此未少動。確不見。曰亦未見甘來耶。曰然。尼急顧韋爾頓曰。請隨余來。恐出意外事矣。韋曰以吉之不見耶。曰然。余決其必出事。言訖尼及韋急趨廡前。見門微啓。入其中。則見吉楷脫奄然仆牆角處。韋喘息曰。天乎。君言果中矣。是必甘來所爲者。尼急察吉楷脫之傷痕。而呼曰。傷幸不重。似爲沙袋所擊者。速以涼水來。韋由近處舀取涼水來。言曰。沙袋所擊耶。然則殺託乃何得而夫者。亦卽甘來矣。曰君事前思及此否。曰君在廚室相詰之時。尙以君爲盲試。後乃有疑。尼曰。余豈盲試者。噫。幸哉。吉楷脫漸清醒矣。吉楷脫聞尼之聲。其效力甚於涼水。張目略驚異喘息曰。天乎。余何所遇耶。尼慰之曰。勿驚惶。僅受擊而微暈耳。爾躡司機人甘來至此耶。余已囑爾留意其人。今乃一吉起坐。僂曰然。然余憶之矣。彼隱門後相候。余至門首卽受擊。曰爾確見擊爾者爲甘來耶。曰彼下擊時。其狀貌已入余目。尼又問曰。爾見尙有他人否。

曰否。惟見一馬鞍裝已備而已。韋爾頓僂曰：何得而夫之馬也。余適令人自後牽入。甘來竟乘之遁矣。尼急扶吉起立曰：彼已遁。無可疑。欲俸逃法網耳。韋爾頓懊喪曰：余等悔未繫其人。尼曰：悔亦何及。彼必自廐之後門遁。故君等在屋中不能見之。吉楷脫爾可稍息。余往後弄一視。行即返。吉曰：君請行。余已覺略安適矣。尼自廐之後門出。至近林處。四望揣度甘來之去路。乃擇一不爲人見之途。直向前行。未數步。果得馬蹄印。且泥塊四飛。足證馬必極力飛馳。尼略視去路。自思以此蹤跡其去路亦易事。其行僅數分鐘。以汽車追之尙可及。余當一試。乃急以此策返告韋爾頓。而令其速駛門前之汽車追之。時吉已復原力。欲同行。且告尼謂初入門時。甘來即竊竊注視。尼答曰：彼聞余詰問之語。心已恐受獲。後又見爾暗偵之。故不得已誘爾至此。而下毒手。彼知捨此無由遁也。吉頷之曰：情狀甚確。余之足方及此門。彼即躍出而擊余。然余疑其所用器非沙袋。曰：是或然。故爾雖受擊致暈。而皮則不破損也。吉曰：余見其所持者。爲白物。似以白巾包札木杖之首。

而成者。曰。此物之效力正相類。彼甚留意不使爾受傷太重。曰。君以爲彼卽余等所欲得者乎。曰。現時得之。亦可爲證人之一。然不能確言彼卽殺何得而夫之凶手。吉曰。君至是尙有疑耶。曰。疑竇豈僅此一端。屋中之人。共隱真情不肯言。互相包庇。人數必多。余等後可細細論之。余尙須分析所得之證據。以尋正路。然目前事又滋疑。曰。然則君已獲證據耶。曰。然。其事視若一語至此忽止。目注百葉窗不少瞬。俄向曰。爾入廡時。已見此字跡在否。吉隨尼所指而望見百葉窗上有白堊書數字。甚明顯。二人行近細視。見所書之意義。爲「格爾文膏藥人用者。抑獸用者。」其事在平時亦不足異。偶得藥名。卽隨手書窗戶上。以免遺忘。亦尋常事。然格爾文三字之下。劃極粗直線。若特令人注意者。故尼楷脫疑有他故也。吉視竟答曰。余不能決。余實未之見。來時或已在矣。曰。余意不然。曰。不然耶。尼出顯微鏡照之。曰。余意此數字必書於爾被擊之後。故其痕跡甚新。落下之粉屑。尙留窗檻。白而乾。若書已久。則遺屑必污。否則必爲窗戶之啓閉擦去。而風亦豈不能吹去。

耶。吉曰。君以爲甘來所書耶。其目的何在。曰。若果係擊爾後所書者。則必示屋中人之暗號也。故字下特劃粗線。令閱之者注意。曰。然則其意何所指。尼曰。示屋中人其遁後之去向耳。吉點首曰。甚切。甚切。曰。可以無疑。韋爾頓以汽車來矣。余等速追。或尙可得之。

第五節 甘來以計遁

汽車折至廐後。尼偕吉一躍而登車。卽飛馳而去。約半里許。見蹄印折向大道。乃隨之行。極汽車之力而馳。韋心甚佩。尼楷脫能立時破甘來之奸。而以爲凶手亦必是人。然未知尼心中尙別有所注也。少頃蹄印折向北。汽車亦隨之。韋爾頓曰。凶手必往華得惟爾矣。或者向來克司福火車站去。尼問曰。此間已近火車站耶。曰。然。且近午時適有車過。言時取表而觀。時適正午。乃大呼曰。殆矣。凶手大約已乘此次車行。尼又問曰。火車站離此路幾何。曰。不及三里。由此往東。卽抵其處。尼曰。然則仍依蹄跡而前爲佳。若失蹤。再返向火車站不遲。曰。甚善。如是費時亦不

多。尼問曰。君知此間居人有名格爾文者否。曰無之。曰。然則有旅館酒肆等以此名稱者否。曰。余未聞之。曰。此間有名格爾文者所設之旅館酒肆等否。曰無之。君詢此何意。格爾文何人。尼答曰。余問此欲有所發現耳。後當詳言。此處非折至火車站之途耶。曰然。然甘來必遵此道去。其跡猶可見。余決其已乘火車行矣。曰。此次爲特別快車耶。曰然。尼曰。君勿惶急。或尙可獲之。至站後。余當與站長語。三分鐘後。尼等已望見火車站。又見四週居屋。寥寥三五處而已。將抵站門。吉楷脫忽見有馬繫路旁樹下。吐沫滿吻。乃呼曰。韋爾頓速停車。此非何得而夫所乘之馬乎。韋略止車曰。果然凶人離馬於此。而乘火車遁矣。彼恐爲站中人所疑。故遠遠棄馬。然則其潛遁可無疑。尼心猶疑不決。亦不言。惟令韋爾頓速驅車至站。車方停。尼急躍下。進站屋。見其中惟站長及司電報機者在。尼趨問站長。站長曰。火車抵站時。有一客適至。隨購格里夫蘭車票登車去。且謂此次到車站。搭客惟彼一人而已。又詢其狀貌。則確爲甘來。尼聞站長之言。似可信。甘來確已乘車去。然終

不能盡信。又問站長曰。君言此處登車者。惟彼一人耶。曰。然。僅彼而已。曰。火車再停處。離此路幾何。站長答曰。下站爲韋其獲。距此十八里。曰。是時已抵否。站長聞之。取表視時刻。答曰。尙須三分鐘。卽抵矣。尼出令曰。速以電致彼站。令告衛兵查身。有此間所買之車票者。若得之。卽令其獲。交韋其獲警察局。速以簡語發此電。站長點首。亟如所言發電。尼坐待之。約五分鐘。復電已至。所言殊不出尼所料。電之言曰。查得並無由來克司福站買票而向格里夫蘭去者。來電所言之人。不能得。韋爾頓大詫呼曰。殆矣。此何故耶。彼必在車上。無可疑者。豈能於特別快車飛馳時躍下耶。尼哂曰。否。彼何用躍爲。曰。無庸躍下耶。君言更奇矣。尼偕之出車站。仍登車。乃曰。彼實未登車耳。買票後。不登車而他去矣。爲此以愚我等也。君果中其計。余則早已疑及。韋爾頓憤曰。被愚。被愚。甘來愚余等。其目的安在。余極願知之。尼笑曰。君不必亟亟。君旣以此事招余。則以事付余足矣。君何必徒費心血。余自信尙足破其奸。曰。然則請言之。尼止之曰。老伴勿急急。俟全案明顯。當卽相告。

此時言之。徒使君愈迷惑。且余尙有應爲事。不能稍延。曰。不能遲延耶。尼點首曰。然。事宜亟行。使賊不及遠颺。君知何得而夫之住址否。曰。知之。曰。與父母同居乎。曰。否。彼不願受父母之管束。故避而來此。彼居聖尼哥拉旅館。約已八閱月矣。曰。旅館爲何等人所居。曰。其中多未婚之少年。優伶及游歷者。尼曰。請立導余至其處。曰。君不返約但處乎。曰。然。彼處目前已事畢。韋曰。然何得而夫之馬奈何。尼曰。毋須急急。午後再來攜之返不遲。韋爾頓請速驅車行。韋爾頓覺其言甚決。絕不敢違。乃亟前行。有頃。韋笑曰。此案全須君獨任矣。尼曰。凶手入獄後。事仍須君了之。曰。君決能得凶犯耶。尼笑曰。韋爾頓君。余若不能獲之。則明晨逕返舍矣。韋聞之亦大笑。約半句鐘後。車已停來克司福大街一高屋前。尼及吉自車下。謂韋曰。此時君可暫返。晚間再相見。君可至約但之居。料理未了事。慎勿以余之所言。余之所爲。及吉楷脫之所遇。告他人。使賊黨無從知余等所爲。則事較穩妥也。幸頷之。曰。余悉君之意。決不多言。何時可再談。曰。六時前。余必訪君於公事室。曰。甚善。

余三時後。即可返矣。尼曰。然則請相待。又顧吉曰。隨余來。吉隨之入旅館。問曰。君將何所爲。尼曰。余擬略檢何得而夫之臥室。或可得據。以證烏拉之謊言耳。言訖。即往見旅館經理人。以名刺示之。且道來意。經理見名刺立允之。尼遂偕吉入何之臥室。徧檢視案上之信札。殊無所得。乃棄之而察廢紙簍中。翻掏許久。俄得碎紙一角。上僅三字。曰。時與地。字跡極細。似女手所書。尼視之。覺甚有意義。吉在旁問曰。君疑烏拉約但有書致何得而夫耶。尼答曰。約但博士之屋。未裝電話。且其居離市甚遙。彼若有欲言。則可決其必以郵信致之。吉點首曰。確然。尼又檢視。又得一角。中惟星期三數字。及晚間二字之半。吉見之曰。昨日果星期三也。尼曰。然即案出之日也。余料此殘缺不全之函。於此案決有關係。極力翻尋。十分鐘後。竟檢出全函之碎紙。拼湊而讀之。其文曰。

親愛之託乃鑒。星期三晚。時與地仍舊。幸勿令余失望。老魔仍無憐意。然請勿以爲意。此事若被阻。務緩待。

哥爾田上

尼出聲讀畢。哂曰。言雖簡。然確中的。余所疑。果不誤。吉曰。君以爲此書卽烏拉約。但所書耶。然署名者。爲哥爾田。曰。此或爲二人相呼之隱名耳。余在烏拉室。曾見同樣之信紙矣。吉呼曰。然則彼二人必相愛無疑。曰。然。惟其事必甚祕。否則韋爾頓亦必知之。而告余矣。余料二人之事。必不幸爲約。但博士所力阻。故函中烏拉。至稱之爲老魔。且約。但博士。今晨亦言何得而夫名譽甚不佳。爾憶之否。曰。然。然得之矣。尼續曰。彼出此言時。余頗異。如是拘泥守舊之人。何能深悉蕩子事。故當時卽疑有此事。吉曰。君真捷敏。尼又曰。二人必時約私會。烏拉雖矢口不承。然余料其昨晚必曾相遇。此後事則尙待查。吉曰。得此甚佳。

第六節 黑衣之女子

尼楷脫以碎函拼黏一紙。夾日記簿中。以爲相見作證之備。事訖。與吉卽就其中。賃室而居。共坐後。尼乃以頃在約。但博士屋中之所見及所聞。如怪異之語聲。言者之可疑。烏拉之夜出。油手印之滅跡。一一詳告吉楷脫。吉聞而異之。呼曰。頭緒

更繁矣。余等雖得無數證據。然未能實諸主犯之身。奈何。尼答曰。全案之真情。已約略可貫串。惟其中尙缺一至要之關鍵。以連絡之。非得此。則案終不能明。曰。何事耶。尼曰。卽缺指之人耳。曰。君以爲是人有關重要耶。曰。獲其人則案立白。彼卽全案之關鍵也。吉曰。其人既曾立保險箱前。且留如許痕跡。則可知必爲竊賊。而而欲破此箱者矣。尼曰。爾之所言。尙遺漏二要點。余等未獲賊人出入之痕跡。一也。擦去箱上手印之人。未知爲誰。二也。第二事。余料決爲屋中之一。或卽主人之一所爲。以庇護賊人者。惟不能確指爲誰耳。曰。然則其人必親見竊賊。何得而夫而不幸被挾制矣。曰。事或有之。然此說究太遠。曰。君疑烏拉約。但卽擦去手印者乎。曰。否。余疑屋中之一而已。余等在書室察視時。所語者。大約已爲其所聞。故俟余登樓。卽乘機滅此跡矣。吉曰。君聞奇異之語聲。有所得否。能確知其聲何從來否。尼答曰。此事尙爲疑案。其聲爲余平生所未聞。電話中所聞者。或差足以方之。然電話可辨言者爲男女。而此聲則不然。其實僅若耳語而已。曰。然則

此聲必發於近處。否則不能爲君所聞矣。尼曰。初時余亦云然。及徧搜各室後。乃知非是。吉曰。然耳語聲何能傳至遠處。君若聞之。則言者必在近處。此節似無可疑者。尼曰。爾忘韋爾頓之言耶。彼豈不言約但博士精於磁電機械學。而且擅於發明新器乎。吉曰。哦得之矣。尼續曰。約但博士必祕置奇巧之器械於其室中。以竊聽他人之所言。是以此聲。惟於其臥室得聞也。彼自遠處載工人來。造屋工竣後。卽送之返。而又僱二人。以探此間人之議論。則其於此鄉之人。欲有所隱。可知矣。故余料約但博士必尙有不可告人之祕密事在焉。吉曰。聞君之論。余亦疑之。然君何以不直問之。曰否。余聽諸人之言。且察其舉動。知問亦無益。反不如不言爲佳。今惟一法可以得其實言。曰。覓得充足之證據。而逼其直道乎。曰然。吉曰。余之意見。以爲殺案必約但博士所爲者。尼曰。試述爾之理想。吉曰。昨夜烏拉必與何得而夫私會於廡後。談許久。方共自廚室入。是時或卽爲其父所遇見。烏拉豈不以其父之反對。致以老魔相呼耶。則其時約但博士或竟怒不可遏。而殺何得

而夫。再以君所聞之語聲證之。若言者爲烏拉。則事更明顯無疑。烏拉必親見其父犯殺案。故君聞其力言。必不道破。且囑與語者。謹慎也。尼曰。此說理由亦充足。與案情亦切。無如疑竇尙多。此說不足以解釋之。何曰。請言疑竇何在。曰。今晨廚室門仍堅扃。鑰匙則落地上。而何得而夫手中。則又握一鑰匙。此節甚難明。何得而夫既已入室。則何必以鑰匙仍握手中。若謂係備其出時所用。則如爾所言。烏拉同在室中。豈不能送之出而扃戶耶。曰然。然余亦不能無疑。尼續曰。不僅此也。保險箱上之手印。今晨已滅其跡。亦異事。昨夜有缺指之人在室中。殊無可疑者。其人非甘來。非何得而夫。亦非其餘二僕諸人之手。余已徧視都非是。然則此人今何在。究何人。曰。其中無缺指者耶。曰然。尤有一端。司機人甘來之舉動。將若何解釋之。曰然。然甚確。尼又曰。彼之舉動。雖可疑。然余迄未稍得其犯案之證據。案出時。彼方臥廡頂臥室中。故可知決非彼所爲。然今晨又何必凶擊爾而遁去。余意彼之爲此。實欲引人入歧路。而迷真道耳。曰。君意何指。尼曰。彼非犯案者。而作

此等舉動。僅一說可以解釋之。曰。豈卽故欲以嫌疑加諸己身之一說耶。曰然。可使人不注意真凶耳。曰。然則此說又似證實約但博士所爲矣。約但博士果其主人也。尼曰。約但博士於此案。決非要人。吉曰。或以約但夫人之故。而出此舉耶。約但夫人甚豔麗。豈甘來竊愛之。而無由得近。今知其夫犯案。故特引嫌疑於己身。使主人脫罪。而以此爲進身之階乎。尼笑曰。此說甚圓通。然余等亦不必徒事理想。余決甘來行必不遠。觀其於廡窗所書。可知之。曰。君尙以爲彼書此。使人知其去向耶。曰然。吉曰。然則可暗偵有來視此字者否。豈不甚妙。尼曰。余適亦思及此。曰。君欲余從事於此否。曰然。惟余料必待韋爾頓離屋後。其人方敢來視。爾先行覓隱處藏身以待之。可也。曰。余常相機行事。尼笑曰。至夕間。大約可知此書之意義矣。此事無可疑者。吉起立曰。若果如君言。則余必有以返告。尼曰。甚善。余尙須待巴遮之來。試聽彼之報告云何。

約四時許。吉楷脫抵約但博士之居屋。折至後面狹弄。於叢草中。覓隱身處。坐而

遠偵。其時韋爾頓及其從者已離去。何得而夫之屍身。亦已移出。四週寂靜異常。間有一二行人。過而觀望。然素知屋主惡客。故亦無敢入者。吉乘此機行略近。見馬廐已下鎖。又四顧。則約但博士之二傭。亦不見。遙望屋中。窗簾四垂。黯然如浸霧中。惟一僕婦之影。往來室內而已。吉自思雖有尼楷脫之深信。事決無誤。然觀此間之景狀。恐自窗上所書。不能有所得。廐門既鎖。則人不能入。窗上所書。尙有何人能見之。若其人已經默識而去。則空待此間。亦何用。吉至是略狐疑。俄又自悟曰。哦。其人豈卽在廐中。故下鎖以欺人耶。然欲知此亦易易。余當一試。乃偃身至廐側。伏於後門而竊聽。久久未聞聲息。遂重折至窗下。就隙而窺望。見室中甚清晰。見其內渺無人跡。又仰觀後面百葉窗上之字跡。則所書已不見。惟略留粉痕而已。吉驚駭獨語曰。天乎。尼楷脫之言。果中矣。其人已讀訖。而滅其跡。幸尼見及早。其人或未行也。余料爲此者。必與擦去手印者。同出一人。豈卽烏拉約但耶。吉知無庸再候廐側。乃四顧覓得易於望見屋中人出入之處。坐而待。日漸夕。四

週黯然。室中啓電燈。隨下窗簾。若恐人窺視者。吉覺暗甚。更行近。而待至八時許。屋旁一門。瞥現燈光。一黑影自其中躍出。經草地。匆匆出大門去。行經吉所伏處。時吉得略辨其狀貌。見來者爲女子。頭罩黑網。面容已不能辨。身著黑色大衣。其長至踵。行甚急遽。若身有要事。不能略遲延者。吉自語曰。此烏拉約但也。何以行同鬼物耶。

第七節 缺指之人

吉楷脫俟黑衣女子先行數十武。方舉步隨之。至街中。折向來克司福市去。行時甚隱約。專擇暗道小弄。以避行人。然略不停趾。亦不返顧。惟急急前趨。行許久。抵一污穢之街。兩旁屋均舊陋不堪。經此後。又折入小弄。至盡處。老屋之後門首而止。吉躡其後。於路旁轉角。見燈上所書。知其處爲巴得來弄。至屋後。廢桶舊箱。堆積如山。幾於不能插足。見旁有手車一具。上刊名曰。雜貨商奇多來 (G. TILLEY) 執照第四十一號。再前望。則見婦人立門首。猛犬大吠。屋中一人。聞聲而出迎。吉

恐爲彼等所見。急隱鄰屋之籬後。見屋門大啓。藉室中燈光。約略能辨晰迎者身量高大。面無微鬚。乃前時潛遁之司機人。甘來也。吉聞其斥犬曰。速入勿聲。再吠當折爾骨。言訖。偕女子共入室。女子立去面罩。吉遙自窗中見之。失聲呼曰。噫。約但夫人耶。余竟誤爲烏拉約但。可笑極矣。彼二人將偕遁乎。司機人貌甚英偉。無怪夫人之降心相從也。吉是時已知犯案者。實出己之所料。知此時必可得其真相。乃自隱處躍出。至窗前。心甚幸惡犬已爲甘來喚入。否則大費事矣。行近屋。亟就窗而窺。簾已下。幸尙有微隙。可以望見室中景狀。見其中爲廚房。而兼餐室者。架上有油燈。光不甚明。室之中央。有舊案一張。甘來及約但夫人。坐其側。時甘來色甚冷峭而嚴厲。燈光下。覺其丰致甚都。約但夫人之面罩已除。大衣亦去。面容失色。唇亦青白。吉見狀。心甚異之。俄聞其謂甘來曰。納特君。獨在此耶。屋中尙有他人否。甘來答曰。然。格爾文已偕其妻共出。彼雖容留黨人居此。然其意頗不謂然。約但夫人急曰。不以爲然耶。此亦無足怪者。彼夫婦已知昨夜事否。吉聞之。欣

然自思是矣。格爾文爲其人入教受洗時之名。故人無知者耳。又聞甘來曰。何用相告。新聞紙所載甚明晰。讀之卽足矣。約但夫人憤曰。已足耶。然則此事無從隱祕矣。彼惡人刻何在。曰。求克乎。曰。然。曰。余未知之。天未黑前彼已出。曰。與多爾別而偕耶。曰。然。求克似將有所爲者。然堅不肯告余。曰。其本性耳。甘來又曰。彼等或已潛遁。亦未可知。余書暗號於窗上。以示爾。其意義已悉否。曰。已知之。曰。自屍身發現後。余未得其會與爾語。偵探等來後。更難授意。故書字於窗上相示。爾知其故否。曰。余亦以此而來。余欲知爾何爲遁。甘來曰。稍待將詳告爾。來時已將字跡擦去否。曰。讀後卽滅跡矣。余恐或爲尼楷脫氏所見。而別生枝節也。曰。甚善。余亦懼此耳。約但夫人曰。保險箱之手印亦已擦去。然已爲尼楷脫所見。奈何。曰。爾確知尼楷脫已見之耶。曰。然。余遇前廳。適見其在室中。遂得窺見其舉動。彼且自地毯拾得余之帽針一枚。然由此恐彼亦未必有所得。甘來答曰。慎毋以此言自愚。楷脫氏之能爲。殊出人意外。余一見彼等。卽知事漸危急。若余先時知韋爾頓召

彼等來。則余必與爾互議方法。以抵制之。今悔已無及。欲隱此事。非余冒險不可矣。吉見其言。此時頗現不安態。又聞約但夫人曰。遠遁耶。曰然。曰然則殺人之嫌。在爾身矣。曰。余之意本在此。除此豈有他法。余無所礙。亦無所懼。欲保全者爾耳。人知余殺何得而夫而遁。則爾可以避嫌矣。約但夫人拒之曰。余何能忍此。爾癡耶。曰不然。爾不能不忍之。捨此實無計可施。若余幸能愚楷脫氏而遠颺。則此案將從此消滅。曰。是何言。余豈肯犧牲爾身。以得苟且之安寧者。曰。此易事耳。稍待言訖。自椅躍起。如遭雷震。蓋忽聞粗厲之聲。入耳鼓。心疑有人來搜捕也。吉楷脫以出神竊聽室中人語。致未防有人乘之者。直至立其身旁大喝。方始知之。其人喝曰。少年速植立。爾竊聽已足乎。毋少動。聽余之命。爾亦太自在矣。吉聞之急。直身仰視。則見手鎗一具。直指其首。藉窗間燈光。見其人軀幹甚偉大。吉初思乘不備。驟奪其鎗。方聳身欲試。忽聞身後又有喝聲。乃悚然止。聞立身後者曰。勿動。否則死。吉略返身微昵。見二人並立。相去僅五尺餘。各恃手鎗相向。蓋來者二人。分

兩途前後包抄而去。乃中計。自思殆矣。惟順從而已。是時屋門忽啓。甘來亦出。方欲有言面吉。三人卽咆哮止之曰。速入室相待。來速擒此黃髮之少年。否則余等且不幸。甘來無言。返身入。三人立前躍擒吉楷脫。吉以勢孤。亦不敢抗。其人下令曰。楷脫速反手受縛。否則爾且無幸。今獲一犬矣。其餘不久。亦必得之。吉依言引手出背後。答曰。恐其餘不能如是易易耳。曰。毋庸爾大言。余等豈不能自爲計。吉作不介意狀曰。余亦云然。當觀爾手段如何。旁立者曰。爾自信太過矣。惟愚人方中此計。而入網耳。吉曰。愚人自有愚人之命運。余亦何必戚戚。爾等竟能獲余。余亦奇之。前立者哂曰。此亦偶然事。何異之有。余躡爾久矣。在廐後卽見爾。後乃躡至此。而令爾入甕。余料知非至此不能畢事。今乃果然。曰。然則爾等亦懼我耳。曰。有敢撩余等者。余等卽懲之。今旣獲爾。卽當驅爾伴亦入此網。優勝劣敗之公理。爾知之否。其人又顧旁立者曰。別而速傳之。且去其鎗。別而答曰。已去之。彼從此再不得其會。以用此矣。前立者又曰。吉楷脫爾謂余等有懼意。則真愚矣。余等豈

懼人者。爾楷脫氏雖捷敏。將奈何余等。爾當亦知之乎。別而已堅縛之否。曰然。曰。然則速驅之入室。令其一試余等之手段。獨克可助之。吉知力拒且無幸。乃俯首就縛。隨二人入室。見甘來已坐原處。色甚憤怒。約但夫人則仍下其面罩。吉坦然謂之曰。密昔司約但。余識夫人矣。何用隱約耶。約但夫人聞言。立去面罩。色轉怒。面色灰白。如死人。吉隨聞後門下鎖聲。黨人之首領。亦入室。吉是時方得細辨三人之狀貌。見三人均約中年。名別而者。頤而瘦。髮紅色。目光銳利。其側一人。略矮小。形甚勇壯。惟面容則略慈善。盜首之狀貌最凶獍。一望而知爲無惡不作者。鬚髮均黑。目光尖利異常。軀幹甚偉。衣著極陋。吉又視其手。則左手之中指已缺其半。恍然知箱門之手印。必是人所留者。然尙不能料知其與約但氏及甘來之關係何在。缺指人入室聞吉言。卽怒詈曰。爾識彼耶。爾識之亦何用。於彼亦何礙。吉哂曰。余亦不願有犯於彼。欲知者爾耳。曰。少年若知我。則當舌橋不下矣。曰。君勿自愚。余豈有懼於罪犯。缺指者躍起曰。罪犯耶。爾言何所指。二人相語時。別而忽

聞前門有啓戶聲。急曰。求克勿聲。豈多來返耶。語未畢。梯上足音鞏然。求克卽趨梯次。仰問曰。格爾文耶。樓上答曰。然。愚夫婦也。曰。然則請自便。此間余與數友方議小事。曰。甚善。余必不來相擾。求克聞之。遂返廚室。隨扃門大詈吉不止。

第八節 巴遮之報告

巴遮於晚間七時方返。至來克司福。急趨警察署。訪尼楷脫。其中人告以尼居聖尼哥拉旅館。乃亟退出向旅館去。至時已八時矣。尼見其返。欣然迎呼曰。巴遮來何晚耶。巴遮下坐答曰。首領不得已耳。余未及。以上次火車來報君知也。曰。有所得乎。曰。然。曰。甚善。速述其事。巴遮曰。余抵其地。卽以其名。徧訪於各醫院。迄無所得。最後至一處。查得前時一看婦。其名曰依里腦惟納爾。曰。其人是也。巴遮續曰。余又問其家世。則云一無所知。遂再奔走數處。至中央醫院。其中一醫士。告余謂三年前。是人曾失業。而居來心登街。余卽至來心登街訪之。則謂前時居此屋者。均已遷去。且謂從未聞惟納爾之名。惟知居者。爲梅生氏。且道其地址。余依址而

尋果得之。進見密昔司梅生。以惟納爾相詢。則云前時曾共居月餘。其人甚佳。後以充看護婦。卽嫁一富人。其住址則不之知。又云惟納爾未與之同居前。其居停爲配其氏。余知之後。亟往訪密昔司配其。未幾得之。余進謁。且道來意。配其乃告余。彼與惟納爾曾同居三載。名譽甚佳。此外則其人若知而不肯道者。余不得已。遂以言欺之。彼方直言。謂四年前惟納爾始至其地。而其名則實非惟納爾也。配其初亦不知之。一日有郵差送信至。係自加拿大孟得里爾所寄者。所署名則爲納爾雷文。地址則確爲配其之居。配其乃告郵差。屋中無是人。惟納爾適聞之。卽趨出。謂信係彼者。且云所書者係其隱名。以他故而特借用者也。余知此卽以其人狀貌相詢。得之後。亟發電問孟得里爾之警察長。乃得其前時事。惟納爾之眞名。爲納爾雷文。十五歲而喪母。其母臨終時。曾告以其繼父雷文爲罪犯。素在加拿大以盜劫爲生。納爾聞之。卽棄其繼父及一兄而遁。其時警察於雷文之行爲。已有所知。及女遁。乃愈疑。不久卽於行劫時。父子均爲捉將官裏去。後各判監禁。

五年。尼楷脫聞此。覺諸人均素昔所知。而於昨夜之暗殺。亦由此得一線之光明。乃曰。此事已載盜案冊中。余亦憶之。盜之首領。名求克雷文。極狡滑凶狠。巴遮曰。是矣。尼又曰。黨人之重要者。一爲摩奪克多爾。前曾爲賭徒。專以術欺人。而攫人之資者。其一爲惠廉還姆。獲人以其喜毆人。故以懷爾得別而呼之。曰。均無誤。余來時。亦曾閱盜案冊也。尼續曰。余尙憶小雷文以年幼故。監禁二年。卽釋出。其餘則約禁三年而出獄。後聞已西行。仍事劫掠。警察亦未能獲之。巴遮曰。彼等甚狡。猶待許久方猝出一試。而劫則必飽獲而後已。尼起立曰。此次則彼等失策矣。曰。君知彼等所在乎。曰。余之所見。若不誤。則獲之亦殊易易。事不宜遲。君案果雷文所爲。則吉楷脫必已被獲矣。巴遮呼曰。被獲耶。然則速下手。君可以案情告余否。尼答曰。案之頭緒紛繁。甚難措手。今得爾之報告。各節均已釋然。約可終局矣。途中當相告。言訖乃偕出。

尼得巴遮之報告。約但博士屋中暗殺案。乃明顯無疑。知先時所注意之點。果不

誤。乃預定收局之法而出。與巴遮僱汽車向約但博士之居。行半時後。已抵其處。乃令司機者。於百碼外停車。且令歇路旁。待其返。而尼則導巴遮向廐去。時已將案情詳告巴遮。乃謂之曰。第一事當尋吉楷脫。巴遮曰。若不能見。則知其何往否。曰。不出二途。或躡讀窗上所書之人去。或爲雷文所獲矣。蓋彼等必預防余使人留此暗偵也。無已姑往一視。乃偕至廐。以暗號四呼。迄無應者。心知適所料者。必有一途中矣。有頃導巴遮至屋前。言曰。勿須再尋。不久當可知其去向。余將以計。適烏拉道其事。曰。然則君以爲窗上所書。非以示烏拉者耶。尼曰。此事尙未能料。勿聲。爾見之否。約但博士室中有燈光。而其妻之室則否。甘來或爲彼而書耳。余之計一舉而可兩得也。曰。余不能悉君意。尼曰。余欲藉此知約但博士詭異之故耳。余聞人言。其性多疑。而且乖僻。此中必是有故。余已偵知彼常居己室不出亦一異事也。曰。怪異之低語聲。卽其中所聞耶。曰。然。惟余已知此爲其所發明之一。屋中裝有此器。則無論何處。有人言語。處其室中。卽可得聞之。而彼之特置此器。

必有他故也。曰：是時彼即在室中矣。曰：無疑。余等亦可乘此機行事。曰：君之計將何出。尼指窗謂巴遮曰：爾可自余肩上攀援至窗檻。窗內即夾術。距約但夫人之臥室門甚近。若未閤。則由之可以望見約。但博士之室中。曰：君欲余偵其舉動耶。尼曰：然。余則往誘烏拉。道真情。余當暗入此室。若捺鈴恐約。但博士亦聞聲而出。則事又不諧矣。曰：然則速行事。尼曰：爾可暗窺其舉動。若不能見。則可微啓窗戶。或躍入室中。相機而行可矣。巴遮頷之。尼續曰：速自余肩上。是時暗然無微光。當不爲人見。巴遮聞言。急自尼之肩上。俄頃已安然伏窗外。見窗未扃。乃略推之。而微拉窗簾於一旁。室中景狀。乃歷歷可見。時約但博士奄然倒臥睡椅中。目定口呆。張作靜聽狀。色若憤怒者。俄而以手按複板上料珠。頓若有所聞。而變色亟起立。俄仍倒椅中。力掙移時。方植立。即出室。向樓下去。巴遮見其狀。自思曰：彼有所聞矣。尼楷脫疑有傳聲器。果不謬。余何妨乘此入室一視。乃急啓窗躍下。掩步入約但博士室。方近博士適所生椅前。即聞怪異之低語聲大發。味其言之意義。知必

尼楷脫之語也。

尼自巴遮登窗上後。卽由旁門掩入屋中。經書室。聞內有紙聲。窸窣。知烏拉必在讀報。閱暗殺案之議論。乃輕扣室門。烏拉略啓門。而望見爲尼楷脫。色頓異。顫聲問曰。來者密司脫尼楷脫耶。曰然。請恕余之不捺鈴。余欲與女郎密語。故以爲輕扣門足矣。曰。與余密語耶。曰然。室中有他人否。曰。無人在。曰。然則請入。扃戶再語。曰。君之來意。余殊不能悉。尼答曰。女郎立能知之。余之來欲得真情耳。女郎非實言不可。余等不願再費週折矣。曰。密司脫尼楷脫止之。曰。女郎毋庸相拒。祈速從余言道其事。屋有暗殺事。破案而獲凶人。爲余職所應爲。女郎請下坐。速以真情見告。女郎見尼莊容厲色。知無可拒。乃就椅坐。失色怒視不已。答曰。楷脫君。究何意而以此非禮之言干余。曰。此亦不爲非禮。余欲女郎知余所言之意義耳。曰。然余已語君矣。尼厲色曰。前言均謊語耳。請勿多辯。余不能久待。速以昨日偕何得而夫入室之情形見告。曰。昨夜余未見之。且素非稔識。何能於夜間相語。尼笑曰。

熟識。至於以函相約會。彼有覆函。現當在女郎處。烏拉呼曰。密司脫楷脫。噫。君何出此言。尼卽自日記簿出。拼成之函。示烏拉曰。女郎毋庸作遁辭。午後余在何得而夫室中獲此。現在此。可爲證。字爲女郎所書。而紙亦與女郎室中者相同。烏拉見之。色灰敗。然猶憤然強辯曰。下署者。非余名。余不能承曾書此函。且同樣之紙。何人不能購得之。尼色更厲曰。女郎之遁辭。豈能動余。昨夜有賊人入此屋。卽爲殺何得而夫者。爾母於保險箱側見而識之。其人必爲爾母之親人。故力隱其事。而女郎及約但博士與甘來等。又從而庇護之。余且料甘來必爾母之弟也。此數端。女郎亦不承乎。女郎若果不肯言。則余當直道矣。昨夜有賊人入此屋。其名爲求克雷文。烏拉聞之。驚惶萬狀。呼曰。天平。請勿再言。君所問余實不便答言。奈何。余若言之。則余父之安樂。余繼母之體面。約但氏之家聲。一旦全毀矣。余祈君速止。言方訖。約但博士忽推門入。蓋彼於室中已聞二人之語。乃趨下樓。巴遮所見者是也。入室後。色甚安然。言曰。君不必止。事亦不必再隱。君言多費週折。殊可謂

名言。余女所不肯答者。余當代言之。尼呼曰。甚善。此說方有理。案可破矣。

第九節 約但博士之隱事

約但博士計窮而折服。知不能再隱。乃自願道真情。尼覺烏拉見父來。色亦大慰。如釋重負者。尼乃揮約但博士下坐。言曰。請博士速以真情相告。我何得而夫者。是否爲劇賊求克雷文。約但博士視尼有異色。答曰。然。曰。彼卽君夫人之父耶。曰。繼父耳。曰。愛德華是否卽其弟。曰。然。曰。彼亦爲是夜竊賊中之一乎。曰。否。彼非是。曰。其家世君有所知否。約但博士點首曰。知之甚審。數載前其年尙幼。繼父誘之。共行劫。卒被破獲。監禁二年。出獄後。頗悔其非。力改其前行。勉爲善類。遂充余之司機者。其眞名爲納特甘來。現時之行爲甚可敬也。尼曰。此節余已料知之。請詳言何得而夫被戕事。君等力隱實大誤。曰。誤豈僅此。尼曰。請述其事。君女烏拉於昨夜曾否私約何得而夫來此相見。約但博士視其女而答曰。然。烏拉愛是人。知余惡之。故時相私會。昨晚曾相見。至夜半尙不返室。曰。余已疑有此。博士曰。烏拉

自餐室之長窗出。虛閣之。返時仍由此入。何得而夫則待樓下。俟其安然入寢室後方行。何有廚室之鑰匙。故能自由出入。每離廚室出。必仍扃門。而擲向在鎖孔之鑰匙於地。若偶然墜落者。尼點首曰。是以彼手中握同樣之鑰匙也。曰。何與烏拉歷次相會。必俟其安抵寢室。方肯去。故備此鑰匙也。曰。然則何以被戕。約但博士曰。余當略述其事。昨夜有竊賊三人。卽求克雷文及其伴。入此屋。見餐室之長窗未扃。乃乘機掩入。其時未知余妻卽其繼女。納爾雷文而彼等之來。亦偶爾事也。尼曰。此節甚明顯。其後若何。曰。雷文欲啓書室之保險箱。乃悄然行事。其伴一人。則立長窗前窺探。深防有猝入者。未幾。甘來果由此進。尼問曰。彼何故深夜入室耶。曰。彼聞何得而夫之馬繫廐後。而作聲。心疑有他故。是以離廐。察視四週。忽見長窗未閤。恐有竊賊入室。故掩入。而適見雷文手持鐵鑽。立保險箱前。尼頷之曰。當時雷文必聞聲惶遽。致留劃痕於箱上。約但博士答曰。此則未之知。時賊人攜有電筒。光下一見而互識。納特乃入室。止其行竊。且相語。尼曰。余料其聲爲君

夫人所聞。曰否。余妻聞微響。以爲忘閣窗戶。簾爲風吹動所致。故披衣下樓。擬扃之。至梯半已見羣人一一均爲所識。心乃疑納特又從而共爲竊盜事。曰君夫人當卽至書室。見彼等耶。曰然。羣人相見後。卽告以誤入之故。且謂若納特及余妻不道破其事。卽當離去。而於殺何得而夫事。則未之提。其時余妻及甘來亦未之知。故言訖三人均遁。納特略數語。亦逕返廐中。余妻乃閣長窗歸寢。尼點首曰。是以各處無賊人出入之痕跡也。然則君何以知之。請直言勿隱。曰余亦無所欲隱矣。余適醒臥榻上。乃得聞余妻及納特之語。曰君室中有祕密之器具。故得聞之耶。曰然。尼曰。請述此器之作用。約但博士答曰。余僅能言其大略。是器爲余所發明。余用之之故亦甚異。年前余父爲僕人所鳩斃。後人謂係因瘋發而致。然事前未聞此人有瘋症也。故余甚震驚。且余亦曾斥出一僕。恐其亦出此舉。故特置此器。以爲之備也。尼曰。余知君意矣。曰余藉此能知僕人所語。法殊有效。因之得斥去不善者。而留忠誠之人焉。曰此器若何。曰其中機括甚復雜。一時難以解釋。是

器以多數銅片細管鐵絲等。裝置複板後。各室均另有器具連之。又接以電力。以傳聲。以手按複板上之料珠。則各室中之語聲。卽可得而聞矣。尼笑曰。器甚奇巧。君造此屋時。卽裝置耶。曰然。尼又曰。君不欲人知屋中有此器。故以他處工人來造屋耶。曰然。此卽余之目的也。曰。君且僱二少年。以偵此間人之議論乎。曰然。造屋時。余曾與工人立約。不許以此事告他人。後恐彼中或有不遵者。故另以人偵焉。尼曰。今晨余藉此器。得聞二人相語聲。豈卽君與密司烏拉耶。約但博士坦然答曰然。尼曰。余細味所語。覺君女有疑君殺何得而夫意。曰然。尼問曰。此何故耶。曰。以余之惡是人耳。暗殺事。今晨方發現。屋中人知之後。無不大震。僕人卽以事告警察。余等自知均有嫌疑。故亦未敢先時議論。致有此誤也。曰。余知矣。曰。余妻以事勢之危急告余。余乃力囑勿言。以爲如是則雖有警察來。亦無從知之。尼搖首答曰。君殊不應出此下策。曰。余此時亦知其誤。然余性素傲。故當時極不願人知。余妻鼻前時曾受監禁罪。而岳父爲著名之竊賊也。今余已知其誤。故不敢有

所隱矣。尼曰。此亦無可爲力者。君妻何在。曰。半時前已出訪其弟於求克雷文舊伴之居。彼恐其弟潛遁。人疑必集其身而已。反逍遙事外。殊所不忍。故往見之。尼急曰。然則求克雷文及其伴亦在彼處耶。曰。余料其然。曰。君知其居停之名否。曰。余恐有意外事。故力迫余妻言之。以爲預防意。曰。其人何名。曰。其名爲格爾文多來來克司福之雜貨商也。曰。君知其住址否。曰。在巴得來街。其處甚低穢。尼自案取帽曰。目前已足。無庸再誤。雷文不能使之逃法網。余須立至巴得來街。乃偕巴遮乘車趨來克司福市。以結束此案。又以吉必已躡約。但夫人致爲賊人所獲。亟欲知其所在。而援之。

第十節 暗殺案之結束

車行未幾。已抵其處。尼等於轉角處卽下車。揮司機者遠待。進街數武後。尼隱約見前有男女二人影。且確見自街末屋中出。尼及巴遮乃趨前止之。曰。勿再前。君之名是否爲格爾文多來。是否居彼屋中之雜貨商。尼言訖。見二人色均駭異。知

語果中的。卽聞其答曰。若然則如何。尼曰。爾何不直言。豈有意隱約耶。曰否。無他意。曰。然則爾爲密司脫多來乎。曰然。此卽余妻。尼又問曰。居君屋中三人爲何許人。其人聞言大震。其妻亦驚駭。呼曰。噫。君不聽余言。禍事果臨矣。當時余豈未勸君勿容留彼等乎。尼慰之曰。勿恐懼。余知爾事業甚正當。故毋庸驚惶。余爲偵探。所欲知者。居爾屋中之三人耳。爾有所知否。多來致敬答曰。余所知殊不能詳。數載前。余識彼等於加拿大。日前忽來相訪。逼余容留之。余以有私事。爲彼等所握。故不能相拒。納。乃不得已允之。余之所爲。真愚甚。曰。彼等於此間所爲。爾亦有所知否。曰。余可發誓。不知之。惟知彼等昨晚曾外出。曰。此時彼等在室中否。曰。不知。余於晚餐後。卽偕妻共出。今日午後有少年來訪彼等。余出時尙在。若是人未行。則必仍在廚室。余往探可知之。尼曰。毋庸。余自能往視。爾攜前門之鑰匙否。曰。攜之。尼曰。然則可假余一用。余欲入室察視。君請暫時勿入。余若能得賊。則爲時必不久。且決不擾亂爾室中物。多爾遲疑曰。然余將何從知之。曰。余乃尼楷脫。爾

當已前聞之矣。多爾鞠躬曰。然則君卽承辦約但博士屋中暗殺案者耶。曰然。曰。求克雷文於案有關耶。曰然。余能證之。多爾點首曰。然則請取鑰匙入室捕之。惡人自宜正法。尼聞言而笑。自其手取匙。卽揮之行。稍遠乃與巴遮至屋後。張望見廚室中有燈光。且聞羣人轟語聲。時雜吉楷脫之言。遂與巴遮仍拆至屋前。低語曰。速備手鎗。屋之後門大約已鎖。若自彼入。反令賊得備矣。曰甚確。尼又曰。余當故意大聲閤門。使彼等誤爲多來而不疑。彼等若相詢。余能僞作多來聲答之。方可乘賊人之不備而入室。事較妥善。速作準備。曰已備矣。尼啓門入室。大聲閤門。而上梯。雷文果聞聲趨問。尼效多來聲答之。雷文無疑而返廚室。又聞閤戶聲。尼乃掩步下樓。至廚室門前。聞求克咆哮聲曰。現惟一法以處此事。爾二人及屋中餘人。務隱密勿言。否則余將宣佈而後遁。此事惟楷脫氏有所疑。今已獲其一。若再得其次。事可定矣。舍此策余無從遁。爾二人必依言而行。尼又聞約但夫人曰。殺一人不止。尙欲再殺人耶。余等豈能忍此。余意不如直言其事。而聽官判決之。

爲愈也。雷文怒詈曰。余豈肯出此下策。余何能捨此寶貴之首。此事惟一法可定。而一語至是。尼握手鎗推門入。巴遮持二鎗隨其後。羣人聞聲返顧。尼卽喝曰。惡徒勿動。余卽來定此事者。求克勿動。否則中彈。韋爾得別而速舉手。違者立死。又謂巴遮曰。速釋吉楷脫。而以手拷加惡徒。俄頃間。惡徒均束手受縛。不敢拒。半時後。求克及其伴已繫獄中。次日卽訊決定。案訊時。約但氏之隱事。全行宣佈。尼亦無從爲力也。約但博士是後重甘來之爲人。甚敬禮之。而於其妻。亦歡愛如昔。毫不以此事而介意。且甚慰此後乃不必處處隱約矣。警察長韋爾頓。則尤驚異。以爲如是奇案。不及十二小時。竟爲尼楷脫所破。於是欽佩不已。而力謝其相助之勞不置。

商 務 印 書 館 發 行

說部叢書

初集各百種

定價二十元
廿八元

小說月報

月出一冊每冊二角五分預定全年二元五角郵費每冊二分五釐

本報載長篇小說。短篇小說。皆由各名家分類撰譯。情文兼擅。并有譯叢、筆記、文苑、戲曲等。

舊小說

六集二十冊

全部六元

吳曾祺編。上溯漢魏。下迄清末。凡千餘種名家小說。萃其精華。都為一編。誠藝苑之巨觀也。

新小說

二百餘種另印目錄函索即贈

倫理、政治、軍事、歷史、實業、社會、科學、義俠、偵探、冒險、滑稽、寓言、言情、神怪、各類無不具備。

林譯小說

五十種九十七冊全部十六元

本館前出版之林琴南先生譯述歐美名家小說。茲特彙刊成部。俾便購閱。

小本小說

一百餘種 每冊一角至二角

本館為愛讀諸君攜帶便利起見。特選最新奇最有興味之小說百餘種。訂成小本。廉價發售。

五(1025)

中華民國四年五月十四日印刷
中華民國四年五月廿九日初版發行
中華民國四年十月廿一日再版發行

(秘密室一冊)

(每冊定價大洋壹角伍分)

著作人

杭縣汪德禕

發行人

上海棋盤街中昌

印刷人

上海北河南路北首寶山路

印刷所

上海北河南路北首寶山路

總發行所

上海棋盤街中市

分售處

北京天津保定奉天龍江吉林長春
西安太原濟南開封成都重慶漢口




此書有著作權翻印必究



長沙安慶蕪湖南京南昌杭州閩縣
福州廣州潮州桂林雲南澳門香港

商務印書館發行



宣講

必備

之書

聖蹟圖 四角

孫毓修編 將孔子事蹟。繪成五彩圖三十二幅。每幅皆有說明。圖畫精美。文字淺明。

模範軍人

每八册 角半

近者武成建廟。合祀關岳。又以古今名將二十四人為陪祀。本館特就諸公之事蹟。編輯成書。顏曰模範軍人。或一人一傳。或數人合傳。采摭史料。搜羅遺聞。以淺顯之文。述偉大之事業。凡我軍人及一般國民。皆宜人手一編。以為私淑之師資。而振尚武之精神。

公民鑑 九角

蘇錫元譯述 王偉校訂

教育部批 該書集名哲箴言。羅偉人軼事。發揮倫理道德之真義。洵為社會急需要之書。據稱譯備宜講及自習之用。其徵熱心。殊堪嘉尚。

常識談話 每八分

孫毓修編 科學之需要。人皆知之。吾人於此種常識獨為缺乏。編者特創此體。為科學普及之基礎。

新說書 每角二

孫毓修編 本書以歷史地理科學實業諸端為材料。而以小說之辭調。說書之口腔。聯絡而貫穿之。談諧百出。逸趣橫生。

伊索寓言演義 三角

孫毓修編 演義小說。最足動人。本書以極有趣味之白話演成之。每則略加短評。并插畫百有餘幅。尤饒興趣。

富國學問答 五分
農師箴言 五分
話言 一角